

淨土叢書

20

普為贈借淨籍贊助編纂及損資  
助印預約讀誦受持展轉流通者

回向偈曰

願以此功德

消除宿現業

增長諸福慧

圓成勝善根

所有刀兵劫

水火及饑饉

疾病災難等

普願盡消滅

先亡皆超昇

現眷咸安樂

風雨常調順

人民悉康寧

國運永昌隆

世界普和平

法界諸含識

同證無上道

中華民國六十一年四月初版  
中華民國七十年七月再版  
西元二〇〇六年二月十五日三版

## 淨土叢書 全部精裝四十八冊

原編纂者 毛 惕 園 居 士

倡印處：（馬來西亞）新山阿彌陀佛蓮社

17, Jalan Permas 10/3, Bandar Baru Permas Jaya,

81750 Johor Bahru, Johor, Malaysia

電話：607-3875122 傳真：607-3867122

手機：6019-7620272

承印處：福峰圖書光碟有限公司

台北市士林區永公路500巷48號

電話：〇二・二八六一九九〇五

本書願與世界各淨宗學會及念佛團體結緣

第二十冊

目次

著述部

(三)

龍舒淨土文

宋王日休撰

遊心安樂道

新羅元曉撰

淨慈要語

民國會性輯

釋淨土群疑論

唐懷感撰

勸發菩提心文講記

淨業知津

清悟開述

念佛百問

清悟開述

淨業持名四十八法

清鄭韋庵述



龍舒淨土文

# 龍舒淨土文

重印龍舒居士淨土文記

予家累世務農，篤信佛教。祖父伯安公於民國三十八年播遷來臺，禮佛誦經，深研佛學，訂有日課，垂老茹素數年。病篤，詔家人於其屬纊時，念南無阿彌陀佛，不可哭泣，飾終諸事，皆遵其平日所示。如僧家之規定者。家母續芬居士，三十年前受戒皈依為佛教信徒，雖家務繁重，而修持佛事，樂善助人，未嘗稍懈。家父企止公，無宗教信仰，惟畢生生活於佛化家庭中，其內心自有其至深之認識，每於歲時慶節，祖先祭祀，無論家禮佛禮，必隨侍先祖，陪同家母虔奉維謹，即此可以證之。家母近期讀祖父藏書之中，有宋人王龍舒居士淨土文一書，深有體認，令予兄妹釀金重印，以廣流傳，並為家父壽，謹述其印行原本，奉告讀者。

袁旂·旂·旂·捷·粵·閑謹識

龍舒淨土文目錄

傳一篇

贊二篇

序四篇

第一卷

第二卷

第三卷

第四卷

淨土起信 九篇

淨土總要 七篇

普勸修持 九篇

修持法門 十五篇

第五卷 往生事跡 三十篇

東晉遠法師 東晉劉遺民

東晉關公則 石晉張抗

宋僧曇鑑 南齊僧慧進

後魏僧曇鸞 隋僧道喻

唐僧善導 唐僧懷玉

唐敬芳圓果 唐僧自覺

唐僧少康

唐尼淨真

唐李知遙

唐溫靜文妻

唐張善和

永明壽禪師

宋金大公

唐僧惟岸

唐房翥

唐姚婆

唐張鍾馗

石晉僧志通

宋僧可久

宋黃打鐵

宋吳瓊

宋觀音縣君

宋馮氏夫人

宋荆王夫人

特為勸諭 三十七篇

勸士人 勸有官君子

勸在公門者 勸醫者

勸僧 勸參禪者

勸富者 勸貧吝者

第六卷

勸孝子 勸骨肉恩愛者

語老後身多憂苦

念佛痼疾皆愈

心乃妄想說 五蘊皆空說

勸婦人 勸僕妾

古老後身耽富貴

繡佛舍利迸出

廢心用形說 用形骸說

勸農者 勸養蠶者

西方如現受官

佛像常有舍利

齊生死說 我說

勸商賈 勸工匠

三菩薩修兜率

夢佛遂得聰辯

跋五篇

勸多屯蹇者 勸骨肉怨憎者

法華尼後身作官妓

念佛治病得愈

廬陵李氏夢記

勸漁者 勸網飛禽者

第八卷 現世感應十八篇

念佛孫兒免難

附錄一

勸為廚子者 勸作福者

見殺生念佛得福

第九卷 助修上品十六篇

超脫輪迴捷徑

勸誦經人 勸貴人

陳企念佛卻鬼

習說 葛守利人說

普勸修持

勸大聰明人 勸賣酒者

鄒賓王念佛夢覺

施報說 至人延年說

念佛報應因緣

勸開食店者 勸屠者

張繼祖念佛薦亡

食肉說 戒殺盜淫說

附錄二

勸在風塵者 勸罪惡人

劉慧仲念佛安寢

飲食男女說 貪折前程說

智者大師勸專修淨土

勸病苦者 勸疾惡欲為神者

沅嫂念佛眼明

福慧說 習慈說

長蘆禪師勸參禪人兼修淨土

勸軍中人 勸惡口者

閻羅王勸蔣婆念佛

為君子說 為聖為佛說

永明禪師戒無證悟人勿輕淨土

勸童男 勸室女

邵安撫念佛脫難

阿羅漢說 楞伽經說

丞相鄭清之勸修淨土文

八八兒口生蓮花

念佛風疾不作

第十卷 淨濁如一十篇

慈照宗主臨終三疑四關

第七卷 指迷歸要七篇

夢中念佛脫恐懼

情人說 即是空說

善導和尚臨終往生正念文

青草堂後身曾魯公

念佛屋不壓死

六根說 真性說

慈雲懺主晨朝十念法

戒禪師後身東坡

念佛店疾遂愈

通行念佛日課法

龍舒淨土文卷第一

宋國學進士王日休譔

予遍覽藏經及諸傳記。取其意而為淨土文。無一字無所本。幸勿以人微而忽其說。欲人人共曉。故其言直而不文。予龍舒人也。世傳淨土文者不一。故以郡號別之。

淨土起信一

淨土之說。多見於日用之間。而其餘功。乃見於身後。不知者。止以為身後之事而已。殊不知其大有益於生前也。何則。佛之所以訓人者。無非善。與儒教之所。以訓人。何以異哉。唯其名有不同耳。故其以淨土為心。則見於日用之間者。意之所念。口之所言。身之所為。無適而非善。善則為君子。為大賢。現世則人敬之。神祐之。福祿可增。壽命可永。由是言之。則從佛之言。而以淨土為心者。孰謂無益於生前乎。其次為業緣所奪。而不能專志於此。苟有志焉者。亦惡緣可以自此而省。善緣可以自此而增。惡緣省而不已。終必至於絕。其惡。善緣增而不已。終必至於純乎善。惡既絕矣。善既純矣。非為君子而何。非為大賢而何。由是言之。則從佛之言。而以淨土為心者。孰謂無益於生前乎。又其次。不知禮義之所。在。不知刑罰之所畏。惟氣力之為尚。惟勢力之為趨。苟知以淨土為心。則亦必



知省己而自咎。所為雖不能皆合於禮義。亦必近於禮義矣。雖不能盡超乎刑罰。亦必遠於刑罰矣。漸可以脫小人之域。而終為君子之歸。庸人稍知佛理者。世必目為善人。此其效也。由是言之。則從佛之言。而以淨土為心者。孰謂無益於生前乎。或曰。從孔子之言。而以儒教為心。豈不益於生前。何必淨土哉。曰。此世間法耳。非出世間法。世間法。則不出於輪迴。出世間法。則直脫輪迴之外。淨土既益於生前。又益於身後者。以其兼世間出世間法故也。

### 淨土起信二

淨土之說。有理有迹。論其理。則見於日用之間。而未嘗離前篇所言是也。論其迹。則見於早晨一茶之頃。而不必終日。泥十念法門是也。蓋修持法門有九品。人人皆可以修。雖罪惡之人。佛亦不棄。回心向善。則為善矣。故此十念法門。人皆可以通行。譬如久為暗室。一燈照之。則為明矣。故雖殺牛屠馬之人。放下屠刀。亦可以修。所以修者不難。亦不妨一切俗事。故在官不妨職業。在士不妨修讀。在商賈不妨販賣。在農人不妨耕種。在公門不妨事上。在僧徒不妨參禪。凡一切所為。皆不相妨。故曰。其修持工夫。見於早晨一茶之頃耳。遂可以為萬萬劫不壞之資。人何為而不修乎。今有販物者。一錢而得兩錢之息。則必自喜。以

為得息之多矣。行路者一日而及兩日之程。亦必自喜。以為及程之多矣。是於外物小有所得。而知其喜也。或兩錢而得一錢之價。必憂之。以為喪本。兩日而及一日之程。亦必憂之。以為費日。是於外物小有所失。而知其憂也。何於吾身之光陰有限。則汨沒以過。其失大矣。而不以為憂。於淨土之因緣難遇。幸而知之。其得大矣。而不以為喜。是徒見小得失。而知憂喜及得失之大者。則不能知。何不思之甚也。況不費時刻用力甚少。而收功有不可盡言者。人何為而不修乎。此時不修。可痛惜哉。可痛惜哉。

淨土起信三

人驟聞淨土之景象。多不信之。無足怪也。蓋拘於目前所見。遂謂目前所不見者。亦如此而已。且如陋巷糞壤之居者。安知有廣廈之清淨。小器藜藿之食者。安知有食前之方丈。弊篋錙銖之蓄者。安知有天府之充溢。故處此娑婆濁世。不信其有清淨佛土。所以生長於胞胎。不知彼有蓮華之化。生壽不過百年。不知彼有河沙之壽數。衣食必由於營作。不知彼有自然之衣食。快樂常雜於憂惱。不知彼有純一之快樂。然則佛之所言。不可以目前所不見而不信也。況佛切戒人以妄語。必不自妄語。以誑人。世人妄語者。非以規利。則以避害。佛無求。

於世何規利之有。佛視死生如刀砍虛空。何避害之有。是佛無所用其妄語也。世間中人以上者。猶不肯妄語。以喪其行止。況佛乎其言可信。無足疑者。故先賢云。佛言不信。何言可信。昔有以忠臣為姦黨者。刻之於石。天雷擊之。今以金寶。綵色。鐫刻裝繪。以為輪藏。貯佛之言。供以香華。嚴以神龍。使其言之妄。則又甚於姦黨之碑。何為歷千百歲。而天雷不擊之哉。以其言之誠也。言之誠而不信。將何俟哉。是故淨土之說。更無可疑者。況自古及今。修此者感應甚多。尤不可以不信者也。感應在第五卷。

### 淨土起信四

儒者或以釋氏之徒無戒行。故輕其教。而因以不信淨土。是不然。豈可以道士不肖。而輕老子。士人不肖。而輕孔子。智者尚不以人廢言。況可以其徒而輕其教乎。釋氏之教。有世間法。有出世間法。其世間法與吾儒同者。不可以縷數。姑舉其大者言之。釋氏之所以孳孳訓世人者。無非戒惡勸善。而吾儒何嘗不戒惡勸善哉。且以目前言之。佛以殺生、偷盜、邪淫、為身三業。而孔子言勝殘去殺。詩人言文王德及鳥獸。昆蟲是豈不戒殺哉。盜固不在所言矣。孔子言吾未見好德如好色者。詩人刺不好德而悅美色。是豈不戒邪淫哉。佛以妄言、綺語、兩

舌惡口為口四業。孔子謂人而無信。不知其可。豈不戒妄言也。謂巧言令色鮮矣仁。豈不戒綺語也。書稱爾無面從。退有後言。豈不戒兩舌也。惡口謂之惡怒之聲。尚未至於穢語。荀子謂傷人之言。深於矛戟。是未嘗不戒惡怒之口也。佛又以貪瞋癡為意三業。孔子謂見得思義。是則戒貪矣。謂伯夷叔齊不念舊惡。是則戒瞋矣。謂困而不學。民斯為下。是則戒癡矣。由此言之。儒釋未嘗不同也。其不同者。唯儒家止於世間法。釋氏又有出世間法。儒家止於世間法。故獨言一世而歸之於天。釋氏又有出世間法。故知累世而見眾生業緣之本末。此其所不同耳。欲知釋氏之所長。須看楞嚴楞伽圓覺與除蓋障菩薩所問經。及曉金剛經之理。未能如是而遂非之。則孔子所謂不知而作之者。可不戒哉。誠如是。則釋氏為可信矣。其言淨土。烏可以不信哉。所謂出世間法。淨土。尤其要者。不可以不勉也。

淨土起信五

世有專於參禪者云。唯心淨土。豈復更有淨土。自性阿彌。不必更見阿彌。此言似是而非也。何則。西方淨土。有理有迹。論其理。則能淨其心。故一切皆淨。誠為唯心淨土矣。論其迹。則實有極樂世界。佛丁寧詳復言之。豈妄語哉。人人可以

成佛。所謂自性阿彌者。固不妄矣。然猝未能至此。譬如良材。可以雕刻佛像。而極其華麗。必加以雕刻之功。然後能成。不可遽指良材。而遂謂極佛像之華麗也。是所謂唯心淨土。而無復更有淨土。自性阿彌。不必更見阿彌者。非也。又或信有淨土。而泥唯心之說。乃謂四方不足生者。謂參禪悟性。超佛越祖。阿彌不足見者。皆失之矣。何則。此言甚高。竊恐不易到。彼西方淨土。無貪無戀。無瞋無癡。吾心能無貪。無戀。無瞋。無癡乎。彼西方淨土。思衣得衣。思食得食。欲靜則靜。欲去則去。吾思衣而無衣。則寒惱其心。思食而無食。則饑惱其心。欲靜而不得靜。則羣動惱其心。欲去而不得去。則繫累惱其心。是所謂唯心淨土者。誠不易到也。彼阿彌陀佛。福重山海。力挈天地。變地獄為蓮華。易於反掌。觀無盡之世界。如在目前。吾之福力。尚不能自為。常恐宿業深重。墜於地獄。況乃變作蓮華。乎。隔壁之事。猶不能知。況乃見無盡世界乎。是所謂自性阿彌者。誠不易到也。然則吾心。可以為淨土。而猝未能為淨土。吾性。可以為阿彌。而猝未能為阿彌。烏得忽淨土。而不修。捨阿彌。而不欲見乎。故修西方見佛。而得道。則甚易。若止在此世界。欲參禪悟性。超佛越祖。為甚難。況修淨土者。不礙於參禪。何參禪者。必薄淨土。而不修也。大阿彌陀經云。十方有無量菩薩。往生阿彌陀佛國。彼菩

薩尚欲往生我何人哉。不欲生彼是果勝於諸菩薩乎。由此言之。唯心淨土。自性彌陀者。大而不要。高而不切。修未到者。誤人多矣。不若腳踏實地。持誦修行。則人人必生淨土。徑脫輪迴。與虛言無實者。天地相遠矣。

淨土起信六

佛眼見無量劫事。故自古及今。無所不見。又戒人妄語。必不自妄語以誑人。又戒人有我。必不自有我以夸人。故其言誠可師法。按楞嚴經云。有十種仙。皆壽千萬戴。數盡復入輪迴。為不曾了得真性故。與六道眾生同名七趣。是皆輪迴中人也。世人學仙者。萬不得一。縱使得之。亦不免輪迴。為著於形神而不能捨去也。且形神者。乃真性中所現之妄想。非為真實。故寒山詩云。饒汝得仙人。恰似守屍鬼。非若佛家之生死自如。而無所拘也。近自數百年來。得仙者唯鍾離呂公。而學鍾離呂公者。豈止千萬。自予親知間。數亦不少。終皆死亡。埋於下土。是平生空費心力。終無所益也。欲求長生。莫如淨土。生淨土者。壽數無量。其為長生也大矣。不知修此法門。而學神仙。是捨目前之美玉而求不可必得之碓。豈不惑哉。或云。淨土乃閉眼後事。有何證驗。答云。淨土傳備載感應。豈無證驗哉。況神仙者。有所得。則甚祕而不傳。以謂泄天機而有罪。佛法門唯恐傳之。



不廣。直欲度盡眾生而後已。是其慈悲廣大。不易測量。非神仙之可比也。

### 淨土起信七

人有不信因果。從而不信淨土者。夫因果烏可以不信乎。經云。要知前世因。今生受者是。要知後世果。今生作者是。若不信此語。何不以前之事觀之。人生所以有貧富。有貴賤。有苦樂勞逸。有榮辱壽夭。其禍福種種不同。雖曰天命。天豈私於人哉。蓋以人前生所為不同。故今生受報亦不同。而天特主之耳。是以此身謂之報身。報身者。報我前世所為。故生此身也。天何容心哉。譬如人有功罪於外。當受賞罰於官府。官府豈私於人哉。特以有功當賞。有罪當罰。而主之耳。豈以賞罰無故而加於人。世間官府猶不以賞罰無故而加於人。況天地造化。豈以禍福而無故而加於人乎。是知以前世所為有善惡。故以禍福而報之也。以其不能純乎善。故不得純受其福報。乃有富貴而苦。夭者有貧賤而壽樂者。有榮寵而悴辱者。其為果報各隨其所為。如影從形。如響應聲。纖毫不差。故云種桃得桃。種李得李。未有種麻而得豆。種黍而得稷者。唯種時少。收穫時多。故作善惡時甚小。受禍福之報甚大。故云春種一粒粟。秋收萬顆子。人生為善惡果報還如此。蓋造化自然之理也。此理可信。則淨土之說必可信。何則。二者皆

佛言也。佛誠言於因果。必不妄言於淨土。故因不信因果。從而不信淨土者。此可以解其惑矣。

淨土起信八

人有見目前善惡未有報者。遂不信因果。而因以不信淨土。殊不知善惡未有報者。非無報也。但遲速耳。佛嘗謂阿難云。人有今世為善。死墮地獄者。今世為惡。死生天堂者。阿難問何故。佛言。今世為善。死墮地獄者。今世之善未熟。前世之惡已熟也。今世為惡。死生天堂者。今世之惡未熟。前世之善已熟也。熟處先受報。譬如欠債。急處先還。左氏謂欒武子有德。可以庇其子。故其子鰥。雖為惡而可以免禍。鰥之子盈。為善而鰥之惡乃累之。故盈雖善而及於難。止於世間。目前可見者言之。善惡之報。尚有如此者。況隔世乎。書曰。天道福善禍淫。老子曰。天網恢恢。疏而不漏。是三教皆言此理。但有遲速耳。豈可以目前未見果報。而遂不信因果。因以不信淨土乎。

淨土起信九

或者疑之云。人此間念佛。西方七寶池中。如何便生蓮花一朵。予告云。此不難知也。譬如大明鏡。凡有物來。便現其影。鏡何嘗容心哉。以其明而自然耳。阿彌



陀佛國中清淨明潔。自然照見十方世界。猶如明鏡。覩其面像。是故此間念佛。西方七寶池。自然生蓮華一朵。無足疑也。或者又疑之云。念往生真言者。阿彌陀佛常住其頂。衛護其人。若無量世界。有無量眾生。念此真言。阿彌陀佛豈能一一徧住其頂乎。曰。亦自然耳。譬如天上一月。普現一切水中。豈不自然哉。或者又疑之云。有修行精進。臨終之時。佛與菩薩來迎。且如十方世界。有無量眾生。精進。烏能皆知其期而往迎乎。曰。亦自然耳。譬如天上一日。普照無量境界。豈不自然哉。況佛之威神。不止如日月乎。則徧住其頂。徧知其期。何足疑哉。

備說

晝必有夜。必為夜備。  
必為去備。何為夜備。  
何為去備。福慧淨土。

暑必有寒。燈燭牀蓐。

必為寒備。何為寒備。

存必有去。衾裘炭薪。

龍舒淨土文卷第二

大藏中有無量清淨平等覺經。阿彌陀過度人道經。無量壽經。無量壽莊嚴經。四者本為一經。譯者不同。故有四名。其舛訛甚多。予久已校正。亦刊板以